

**CONCELLO DE
SANTIAGO**

ANTECEDENTES

1º.- O Consello da Xunta de Galicia, en sesión extraordinaria celebrada no día de onte, acordou novas medidas excepcionais, complementarias das acordadas o 12 de marzo de 2020, destinadas a frear a expansión da epidemia do virus “COVID- 19”.

Entre as medidas adoptadas salientan as seguintes:

- A declaración de emerxencia sanitaria de interese galego.
- A activación do Plan territorial de emerxencias de Galicia (Platerga).
- A constitución dun Centro de Coordinación Operativa (Cecop) presidido polo Presidente da Xunta de Galicia.

2º.- A Xunta de Goberno Local da Cidade de Santiago, na sesión extraordinaria e urxente do día de onte, declarou a situación de extraordinaria e urxente necesidade como consecuencia da pandemia provocada polo COVID-19.

Por outra banda, o Concello de Santiago de Compostela, tendo en conta os acordos do Consello da Xunta de Galicia, no ámbito das súas competencias e con respecto estrito á legalidade e no marco da imprescindible colaboración e lealdade entre Administracións, debe adoptar os acordos precisos para contribuír a limitar a a difusión da enfermidade.

FUNDAMENTOS DE DEREITO


1º.- A Lei 5/2007, do 7 de maio, de emerxencias de Galicia, no seu art. 10, atribúelle aos concellos, no marco do sistema de protección civil e emerxencias de Galicia e sen prexuízo das competencias do Estado, a prestación dos servizos de protección civil e a actuación inicial ante calquera emerxencia que aconteza.

A mesma norma, establece que lle corresponde aos concellos de máis de 20.000 habitantes a elaboración e aprobación do plan de emerxencia municipal e, en xeral, de calquera outros instrumentos de planificación de protección civil no ámbito municipal.

O plan de emerxencia municipal é, pois, o instrumento fundamental do que dispón o concello, no marco do sistema de protección civil e emerxencias de Galicia, para responder ás situacións de emerxencia que se manifesten no termo municipal.

2º.- A Lei 7/1985, do 2 de abril, reguladora das bases do réxime local, dispoñon no seu art. 25 que os concellos, para a xestión dos seus intereses e no ámbito das súas competencias, podern promover os servizos públicos que contribúan a satisfacer as necesidades e aspiracións dos veciños.

Doutro lado, no seu art. 26 a LBRL imponse aos concellos a prestación dunha serie de servizos obrigatorios e a lexislación sectorial en materia de cultura, deporte, sanidade e protección civil.



CONCELLO DE SANTIAGO

3º.- Nunha situación excepcional como a presente, resulta imprescindible e ineludible adoptar todas as medidas necesarias para loitar contra a expansión da enfermidade e velar pola protección da saúde dos cidadáns, no marco das competencias atribuídas ao concello e de acordo e complementariamente ás que adoptadas polas Administracións do Estado e da Comunidade Autónoma.

ACORDOS:

Primeiro.- Activar o Plan de Emerxencia Municipal do Concello de Santiago de Compostela (Pemu) e, na súa consecuencia:


1º) Constituír o Centro de Coordinación Operativo Local (Cecopal), que estár integrado por:

- Director do Pemu e presidente do Cecopal: o Alcalde ou, na súa ausencia, a Primeira Tenente de Alcalde, dona Mercedes Rosón Ferreiro.
- Comité Asesor: estará integrado polos seguintes membros:
 - A concelleira delegada de Sanidade, dona Milagros Castro Sánchez.
 - O concelleiro delegado de Seguridade, don Gonzalo Muíños Sánchez.
 - A concelleira delegada de Persoal e Réxime Interior, dona Marta Abal Rodríguez.
 - O xefe do S.E.I.S.
 - O xefe da Policía Local.
 - A responsable da Agrupación de Protección de Civil.
 - De ser preciso, e sen prexuízo do que dispoña o Goberno do Estado no Real Decreto polo que se declara o estado de alarma, poderán requirirse a presenza no Comité Asesor da Policía Nacional, Garda Civil, Unidade da Policía Nacional ascrita á Comunidade Autónoma de Galicia, Asemblea Local da Cruz Vermella e 061.
- Gabinete de información: estará integrado polo servizo de Prensa do concello, baixo a dirección de dona Iria Feijoo Regueiro.

2º) A activación do Plan de Emerxencia Municipal e a constitución e actividade do Cecopal efectúanse sen prexuízo da súa integración nas medidas que se adopten para a execución do Platerga ou no marco do disposto no RD que regule o alcance do estado de alarma.

Segundo.- En relación coa prestación dos servizos públicos funerarios:

Tomar razón do acordado no Consello da Xunta de Galicia do 12/03/2020 (DOG nº 49 bis do 12/03/2020) e no 13/03/2020 (DOG nº 50 bis do 13/03/2020) e trasladar á empresa contratista, de conformidade coa potestade de dirección prevista no art. 190 da Lei 9/2017, do 8 de novembro, de contratos do Sector Público e no art. 127.1.1ª do



CONCELLO DE SANTIAGO

Regulamento de servizos das Corporacións Locais, as seguintes medidas a aplicar nas instalacións do servizo:

- Como medida adicional á de limitación a un máximo de 50 persoas do aforo nas instalacións do servizo, acordada pola Xunta de Goberno Local o 12/03/2020, establécense as seguintes:
 - Limitátese a un máximo de 25 a presenza simultánea de persoas na capela do tanatorio.
 - Limitátese a un máximo de 6 a presenza simultánea de persoas en cada sala-velatorio.

A presenza máxima de persoas calcularase incluíndo ao persoal que presta servizos nas instalacións.

Terceiro.- En relación coa prestación do servizo público urbano colectivo de viaxeiros:

Tomar razón do acordado no Consello da Xunta de Galicia do 12/03/2020 (DOG nº 49 bis do 12/03/2020) e no 13/03/2020 (DOG nº 50 bis do 13/03/2020) e trasladar á empresa prestadora do servizo, de conformidade coa potestade de dirección prevista no art. 190 da Lei 9/2017, do 8 de novembro, de contratos do Sector Público e no art. 127.1.1ª do Regulamento de servizos das Corporacións Locais, as seguintes medidas:

- Limitar a presenza simultánea nos autobuses do servizo a un máximo de 30 persoas, incluído o condutor do vehículo ou persoal adscrito ao servizo.

Cuarto.- Suspender, ata en tanto non se acorde o contrario, o prazo para a presentación de solicitudes para a matrícula de nenos nas escolas infantís municipais.

Quinto.- Suspender, ata en tanto non se acorde o contrario, a obriga de rotación de vehículos nas rúas incluídas no servizo de ORA.

Darase conta deste acordo ao Pleno da Corporación na primeira sesión que teña lugar para a súa convalidación.

Sexto.- Dar conta ao Pleno da Corporación e á Xunta de Voceiros destes acordos.